

Ertzaintzaren operazioa Bilbon

Atxilotu ugari eta zauritu larri
bat izandako protesta ekintzetan

Gazte bati begia hustu diote gomazko pilota batekin jo ondoren

Atxiloketa ugari izan da Juan Mari Ormazabalaren heriotza dela ta, Euskal Herrian egon diren protesta ekintzetan. Elorrioren mutil gazte bat larri zaurituta gertatu zen, Ertzaintzak jaurtitako gomazko pilota batekin jo ondoren. Ondorioz galdu egin du.

DONOSTIA

Ertzaintzak eta Estatuko Seguratasun Indarrek atxilotu zituzten pertsonetatik, hamabi dago oraindik polizi egoitzetan epailearen aurrera eramane zain.

Ostiral gau eta goizaldean, guztira hamasei lagun atxilotu zituzten. Elorrioren Ertzaintza eta manifestarien arteko istiluen ondorioz lau atxilotu izan ziren eta hogeitaz inguruko gazte bat larri zauritua. Gomazko pilota batekin jo zuten, eta traumatismoa izateaz gain, begia hustu behar izan zioten. Gurutze Gorriak jakitera eman zenez, Elorrioko pertsona hau Donostiako Erresidenziara eramane zuten «egoera larrian». Atxilotuak aske utzi zituzten atzo goizean Ertzaintzak.

Polizia Nazionalak sei lagun atxilotu zituzten ostiral gauean Bilbon. Seirak Bilboko polizi egoitzetara eramane zituzten eta desordena publikoak sortu eta poliziak iraintzea leporatzen diote. Plentzian beste atxiloketa bat izan zen. Guztiak polizi egoitzetan daude oraindik epailearen aurretik pasa zain.

Zarautzen, Ertzaintzaren aktuzioa salatu zuen Leocadio Arrondo hirurogei urteko gizona atxilotu zuten. Amnistiaren Aldeko Batzordeak atzo azaldu zenez, Durango eta



Bilbon izandako istiluetan sei lagun atxilotu zituzten Polizia Nazionalak. SIMAL

Amurrioren propaganda jartzen ari ziren hiru gazte atxilotu zituzten Ertzaintzak ostiral arratsaldean, eta denbora gutxira utzi zituzten aske. Elorrioren berriz, etxe aldera zihoaz Eneko Gallastegi eta Jose Maria Legardoren gazteak, eta hirugarren bat Leioan, Juan Carlos Izagirre, atxiloturik jarraitzen dute.

Gasteizen pertsona bat gertatu zen zaurituta, gomazko pilota batekin jo zuten eta ospitalera eramane behar izan zuten. Beste lau lagun era eritetxeetara eramane zituzten zauri desberdinekin.

KALTEAK UGARI IZAN DIRA Azken ordu hauetako protesta ekintzetan eragin diren kalte materialak ugari izan dira, banketxe, autobus eta tren geltokietan bereziki.

Donostian bi autobus erre zituzten atzo goizalderarte iraun zuten istiluetan. Lehena Antiguoa auzoko Matia kalean erre zuten bost enkaputxatuk. Bigarrena atzo goizeko bedera-

tziatan erre zuten Miracruz kalean. Hiri barrerako bi autobusak ia erabat erreta gelditu ziren. Portugaleten beste autobus bat erre zuten.

Bizkaian Lezamako tren geltokiari ere eman zioten sua, kalte ugari sortuz. Gasteizko Alde Zaharrean bestalde, sua piztu zen etxe batean. Banketxe ugariaren kristalak ere hautsi ziren zenbait herritan, eta Ertzaintzako kotxeen aurka harrika ihardun zuten leku askotan.

Elorrioren, Ertzaintzaren komisaldegiaren kontrako suziriak eta harriak jaurti zituzten. Beasainen 'koktel molotov' bat jaurti zuten Polizia Autonomoaren furgoneta baten kontra.

Polizia bat arinki zauritu du
bonba-pakete baten leherketak

MADRIL

Polizia bat arinki zauritu zuen atzo eguerdian Madrilén, duela hamabost egun igorritako bonba-pakete baten eztandak.

Bonba-paketea poliziaren etxera heldu zenean, hau oporretan zegoen eta auzoko batekin bere etxean eduki du lehergailua azken bi asteotan. Polizia atzo itzuli zen oporretatik Vallecás-era eta eguerdiko ordubata aldera jasotako paketea zabaldu zuen.

Liburu bat zegoen barruan, baina bere pisuak eta bereizgarriak poliziaren susmoak piztu zituen eta honek berehala jaurti zuen paketea bere etxeko balkoi-

rantz. Momentu horretan, lehergailuak eztanda egin zuen, etxebizitzan kalte material ugari eragin zituelarik. Polizia ere zaurituta gertatu zen eta etxe alboko eritetxera eramane zuten. Han zauri larriarik ez zuela ikusi ahal izan zuten, tinpanoak besterik ez bait zizkion kaltetu leherketak. Beranduago, Gregorio Marañón ospitalera eramane zuten Espainiako Poliziako funtzionarioak.

Poliziaren nortasuna eta lehergailuaren pisua eta ezaugarriak ez dira ezagutzea eman. Polizia Madrilko patruila-irratian aritzen da lanean eta Congosto kaleko 20, zenbakian bizi da, Vallecás herrian.

Salbean Polizia agian gogorregia
izan zela dio Elorza alkateak

DONOSTIA

Salbearen ospakizuna eta geroko istiluetan Polizia espainolak zenbait lekutan agian neurritz kanpo jokatu zuela esan zuen atzo Odon Elorza, Donostiako alkate sozialistak. Donostiako Ostalaritza Elkartek egindako salaketei erantzuterakoan aitortu zuen aurrekoa alkateak. Gainerakoan, Elorza ukatu egin ditu Elkartek Udalari leporatutako erantzukizun guztiak.

Ostalaritza Elkartek gogor kritikatzen zuten Donostiako Udalak Salbeo istiluetan izandako jokaera. Elkartearen iritziz, Udalak ez zion behar bezala aurre egin egoerari eta

'Polizia espainola «biolentzia handiz aritu zen Alde Zaharrean, jendea halabarharrez bota zuelarik tabernetatik».

Udalak zegozkion erantzukizun guztiak bere gain hartu zituela ziurtatu zuen atzo Odon Elorza, Ostalaritza Elkartearen hitzak gaitzetsiz. «Agian» Alde Zaharreko zenbait lekutan Poliziaren aktuzioa neurritz kanpokoa izan zela aitortu zuen Elorza. Alkartearen ustez, Alde Zaharreko ostalariek «oso alde bateko» bertsioa eskaini dio Salbean gertatutakoaz. Beren hitzetan, «badiudi kalte egin zuten bakarrak poliziak izan zirela eta inork ez zuela bonba bat paratu Bulebarrean».

Beste lagun bat atxilotu zuen
Ertzaintzak Bilbon ostiralean

BILBO

Itziar Gonzalez Lizarraga atxilotu zuen ostiral gauean Ertzaintzak Bilboko bere etxean. Atxiloketa zortziak aldera egin zuten paisanozko ertzainek Abusu auzoan, Amnistiaren Aldeko Batzordeak jakitera eman zenez. Gasteizko Barne Sailak ez du atxiloketa honen berri eman. Itziar Gonzalez inkomunikaturik dago, baina ez da jakiterik izan zein egoitzetan daukaten.

Ostegun gauean eta ostiralean atxilotutako zazpi lagunei, bestalde, inkomunikazioa luzatu diete. Ertzaintzaren egoitzetan daude, baina gorputz honetatik ez da zehaztu nahi izan non dauden. Ertzainek Raul Ibañez, Kepa Markez eta Itziar Martinez atxilotu zituzten Bilbon, Juan Mari Ormazabal hil zeneko operazioan. Gerora, Josu Unanue, Ana Santos, Javi Gaunza eta Felix Abris-

keta atxilotu zituzten Basaurin. Jesus Mari Mendinueta, bestalde, Etxeberriako parkean zauritu gertatu zenak, Basurtoko ospitalean jarraitzen du ingresaturik.

ERTZAINZAREN KONTRAKO SALAKETA

Bilboko herritar batek Ertzaintzaren kontrako salaketa egin du, AABK jakitera eman dutenez. Jose Prieto Juradoren etxean sartu ziren ertzainak ostiralean. Identifika zitezkeen eskatu zien arren, «ireki edo bota egingo dugu» izan zen erantzuna. Atea ireki ondoren, lurrera bota eta eskuak lotu zituzkieten, eta anaiari buruzko galdeketa egin. Jose Prietok bere salaketan dioenez, kolpatu egin zuten eta ertzainek ez zioten aurpegira begiratzuten utzi. Bere etxea baimenik gabe miatu eta pistola batez emaztea eta semea mehatxatu zituela salatu du gizon honek.

Lerro artean



Komunikabide baten hartutako jarrera aldatzen ibiltzea eta bere burua kontraesatea edo gezurtatzea arazo

larria da, beste ondorio batzuen artean, sinesgarritasuna zapuzten duelako. Egunkari batekin gomentatzen zion politikari bati jarrera estuegiak ez hartzeko gero aldaketak gehiago nabarmentzen direlako. *El Mundo del País Vasco* egunkariko irakurleek ezin izango zuten atzo harridura keinu bat ebittatu Bilboko polizi operazioari buruzko informazioa eta editoriala irakurtzean. Ostegunean bertan, *El Mundok* lau zutabetan kontatzen zuten Morlansen hildakoen familiaren abokatuak azaldu zuena: autopsiaren txostena ikusita, heriozko tiroak bertatik bertara egindakoak ziren. Egun horretan aipatu egunkariak «premier argitzea» eskatzen zuten editorialean. Barne Ministeritzak, Gobernu Ordezka-

Datura

ritzak eta Gipuzkoako Gobernu Zibilak «gertaeren bilakaera agitzeko daturik» ez eskaintzea kritikatzen zuten. Senideek eta abokatuak azalduz bertsioa, zeterren tokitik etortzeagatik ezin zela «desautorizatu» eta «kondenatu» gehitzen zuten. Atzo, ordea, *El Mundok* jan egiten zuten hiru egun lehenagoa idatzitako eta «ahaztu» egiten zuten Bilboko hildakoen senideen abokatuak ezagutzea eman zutena, hots, hilotzak gertu gertutik egindako tiro bat zuela buruan. Abokatuak eta senideek eskaini zituzten datuak gaiari eskainitako bosgarren orrialdean aurkitzen zen, zutabe bateko titular baten pean. Editorialean datu hori ez zen aipatzen. *El Mundoren* ustez, ordea, heriotz honek argi utzi du «ETaren indarkeriaren kaltetu nagusia euskal gizarte eta herria dela».

Edonor konturatzen da senideek abokatuak eskaintutako datu garrantzitsua dena, batez ere berez esanguratsua delako. Ez bait da gauza bera tiroketa batean hiltzea

ala buruan 10 zentimetrotatik jasotako tiro batez, are gehiago tiro egiten duena polizi agente izanez gero. *Eginek* lehenastun osoa eman zioen datuari honako titular nagusia jarri bait zuen lehen orrialdean: «Ormazabal ertzain batek kemarropara disparatutako tiro batez hil zen, forensearen azterketaren arabera». *Deiak* ere garrantzia eman zion, Barne Sailak eskaini zuten «gezurtapena» kokatu bait zuen lehen orrialdeko titular nagusian: «Barne Sailak berretsi egin du bere bertsioa Bizkaia komandoaren desmantelamenduari buruz». Gezurtapenaz kezkatu beharrean, buruko tiro horren izateaz arduratu ahal zen aipatu egunkaria egunkaria. *El Sol*, *Diario 16*, *Abc* eta Navarra Hoy egunkariak ez zuten datu horren berri eman. *El País* egunkariak Bilbotik bidalitako kronikaren azken parrafoan agertzen zen, zortzi lerrotan laburbilduta.

PELLO URZELAI